



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ**

**ՆԵՐՔԻՆ ԳՈՐԾԵՐԻ ՆԱԽԱՐԱՐ**

**ՀՐԱՄԱՆ**



Թիվ 7-Ն

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՊԵՏԻ 2022 թՎԱԿԱՆԻ  
ՕԳՈՍՏՈՍԻ 9-Ի N 28-Լ ՀՐԱՄԱՆ ՈՒԺԸ ԿՈՐՑՐԱԾ ՃԱՆԱՉԵԼՈՒ ԵՎ  
«ՏԵՍԱԼՈՒՍԱՆԿԱՐԱՀԱՆՈՂ ԵԼԵԿՏՐՈՆԱՅԻՆ ՀԱՄԱԿԱՐԳԵՐԻ ԿԱՌԱՎԱՐՄԱՆ  
ԿԵՆՏՐՈՆ» ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ  
ԿԱՆՈՆԱԴՐՈՒԹՅՈՒՆԸ ՀԱՍՏԱՏԵԼՈՒ ՄԱՍԻՆ**

Ղեկավարվելով «Նորմատիվ իրավական ակտերի մասին» օրենքի 37-րդ հոդվածով, «Պետական ոչ առևտրային կազմակերպությունների մասին» օրենքի 11-րդ հոդվածով, 13-րդ հոդվածի 3-րդ մասով, Հայաստանի Հանրապետության կառավարության 2022 թվականի հունիսի 14-ի N 1091-Ն որոշման 5-րդ կետով, Հայաստանի Հանրապետության վարչապետի 2023 թվականի մարտի 14-ի N 270-Ն որոշման հավելվածի 19-րդ կետի 18-րդ և 20-րդ ենթակետերով՝

**ՀՐԱՄԱՅՈՒՄ ԵՄ**

- Ուժը կորցրած ճանաչել Հայաստանի Հանրապետության ոստիկանության պետի 2022 թվականի օգոստոսի 9-ի «Ոստիկանության տեսալուսանկարահանող

Էլեկտրոնային համակարգերի կառավարման կենտրոն» պետական ոչ առևտրային կազմակերպության կանոնադրությունը հաստատելու մասին» N 28-Լ, հրամանը:

2. Հաստատել «Տեսալուսանկարահանող էլեկտրոնային համակարգերի կառավարման կենտրոն» պետական ոչ առևտրային կազմակերպության կանոնադրությունը՝ համաձայն հավելվածի:

ՎԱՀԵ ՂԱԶԱՐՅԱՆ

«25» մայիս 2023թ.

Ք. Երևան

ՀԱՎԵԼՎԱԾ

Հայաստանի Հանրապետության

ներքին գործերի նախարարի

2023 թվականի մայիսի N<sup>72</sup> հրամանի

## ԿԱՆՈՆԱԴՐՈՒԹՅՈՒՆ

### «ՏԵՍԱԼՈՒՄԱՆԿԱՐԱՀԱՆՈՂ ԷԼԵԿՏՐՈՆԱՅԻՆ ՀԱՄԱԿԱՐԳԵՐԻ ԿԱՌԱՎԱՐՄԱՆ ԿԵՆՏՐՈՆ» ՊԵՏԱԿԱՆ ՈՉ ԱՌԵՎԱՐԱՅԻՆ ԿԱԶՄԱԿԵՐՊՈՒԹՅԱՆ

#### I. ԸՆԴՀԱՆՈՒՐ ԴՐՈՒՅԹՆԵՐ

1. «Տեսալումանկարահանող էլեկտրոնային համակարգերի կառավարման կենտրոն» պետական ոչ առևտրային կազմակերպությունը շահույթ ստանալու նպատակ չի ուժապնդող, իրավաբանական անձի կարգավիճակ ունեցող ոչ առևտրային կազմակերպություն է (այսուհետև՝ Կազմակերպություն):
2. Կազմակերպությունը ստեղծվել է առանց ժամկետային սահմանափակման:
3. Կազմակերպության հիմնադիրը Հայաստանի Հանրապետությունն է՝ ի դեմս Հայաստանի Հանրապետության կառավարության (այսուհետև՝ Հիմնադիր):
4. Կազմակերպության հիմնադիր փաստաթուղթը սույն կանոնադրությունն է:
5. Կազմակերպությունն իր լիազորություններն իրականացնում է Հայաստանի Հանրապետության օրենքների, այլ իրավական ակտերի և սույն կանոնադրության հիման վրա:
6. Հիմնադիր և Կազմակերպության միջև հարաբերությունները կարգավորվում են Հայաստանի Հանրապետության օրենսդրությամբ և սույն կանոնադրությամբ:
7. Կազմակերպությունը ստեղծված է համարվում օրենքով սահմանված կարգով պետական գրանցման պահից, և դրա գործունեությունը դադարում է լուծարման պահից: Կազմակերպությունը սահմանված կարգով կարող է ունենալ մասնաճյուղեր և ներկայացուցչություններ: Կազմակերպությունն իր պարտավորությունների համար պատասխանատու է սեփականության իրավունքով իրեն պատկանող գույքով:

8. Կազմակերպությունն ունի Հայաստանի Հանրապետության պետական գինանշանի պատկերով և իր՝ հայերեն, ռուսերեն ու անգլերեն անվանմամբ կլոր կնիք:

9. Կազմակերպությունը կարող է ունենալ իր անվանմամբ ձևաթղթեր, խորհրդանշեր և այլ անհատականացման միջոցներ:

10. Կազմակերպությունն ունի ինքնուրույն հաշվեկշիռ, հաշիվներ՝ պետական ֆինանսների կառավարման բնագավառում Հայաստանի Հանրապետության կառավարության կողմից լիազորված պետական կառավարման մարմնի գանձապետարանում, ինչպես նաև՝ եկամուտների ու ծախսերի նախահաշիվ:

11. Կազմակերպության անվանումն է՝

1) հայերեն՝ «Տեսալուսանկարահանող էլեկտրոնային համակարգերի կառավարման կենտրոն» պետական ոչ առևտրային կազմակերպություն.

2) ռուսերեն՝ Государственная некоммерческая организация «Центр управления электронными системами фотовидеофиксации».

3) անգլերեն՝ State non-profit organization "Management center of photo and video recording electronic systems":

12. Կազմակերպության գտնվելու վայրն է՝ Հայաստանի Հանրապետություն, քաղաք Երևան, Զաքարիա Քանաքեռոցի 74:

13. Կազմակերպության գործունեության տարածքն ընդգրկում է Հայաստանի Հանրապետության տարածքը:

## II. ԿԱԶՄԱԿԵՐՊՈՒԹՅԱՆ ԳՈՐԾՈՒՆԵՈՒԹՅԱՆ ԱՌԱՐԿԱՆ ՈՒ ՆՊԱՏԱԿՆԵՐԸ

14. Կազմակերպության գործունեության հիմնական նպատակն է տեխնիկական միջոցների (տեսախցիկներ, ֆոտոխցիկներ, արագաչափ սարքեր և այլն) օգտագործմամբ հանցագործությունների և վարչական իրավախախտումների հայտնաբերումը:

15. Կազմակերպության գործունեության առարկան է տեխնիկական միջոցներ (տեսախցիկներ, ֆոտոխցիկներ, արագաչափ սարքեր և այլն) տեղադրելու աշխատանքներ իրականացնելը, շահագործելը, սպասարկելը (այդ թվում վերանորոգելը), դրանց օգտագործմամբ հանցագործություններ և վարչական

իրավախախտումներ ամրագրելը, ճանապարհային երթևեկության անվտանգության ապահովման բնագավառի վարչական իրավախախտումների գործերով վարույթի նախապատրաստական աշխատանքներ իրականացնելը, իսկ այլ դեպքերում՝ լիազոր մարմնի պահանջով տեսալուսանկարահանող համակարգերով հավաքված տեղեկություններ օրենքով սահմանված կարգով տվյալ մարմնին տրամադրելը:

### **III. ԿԱԶՄԱԿԵՐՊՈՒԹՅԱՆ ԻՐԱՎԱՍՈՒԹՅՈՒՆՆԵՐԸ, ՀԻՄՆԱԿԱՆ ԽՆԴԻՐՆԵՐԸ ԵՎ ԳՈՐԾԱՌՈՒՅԹՆԵՐԸ**

16. Կազմակերպության իրավունակությունը ծագում է օրենքով սահմանված կարգով պետական գրանցման պահից:

17. Կազմակերպության իրավունքներն ու պարտականությունները սահմանվում են սույն կանոնադրությամբ և Հայաստանի Հանրապետության օրենքներով:

18. Կազմակերպությունը որպես սեփականություն ունի առանձնացված գույք և իր պարտավորությունների համար պատասխանատու է այդ գույքով: Կազմակերպությունը կարող է իր անունից ձեռք բերել ու իրականացնել գույքային և անձնական ոչ գույքային իրավունքներ, կրել պարտականություններ, դատարանում հանդես գալ որպես հայցվոր և պատասխանող:

19. Կազմակերպությունը պատասխանատվություն չի կրում Հիմնադրի, իսկ Հիմնադիրը՝ Կազմակերպության պարտավորությունների համար:

20. Կազմակերպությունը պարտավոր է՝

1) օրենքներով և այլ իրավական ակտերով սահմանված կարգով վարել հաշվապահական հաշվառում և ներկայացնել հաշվետվություններ.

2) ապահովել Կազմակերպության փաստաթղթերի պահպանումը.

3) Հիմնադրի կողմից սահմանված կարգով իրապարակել իր տարեկան ֆինանսական հաշվետվությունը:

21. Կազմակերպությունը՝

1) տեղադրում, շահագործում և սպասարկում (այդ թվում՝ վերանորոգում) է տեխնիկական միջոցներ (տեսախցիկներ, ֆոտոխցիկներ, արագաչափ սարքեր և այլն).

2) տեխնիկական միջոցների (տեսախցիկներ, ֆոտոխցիկներ, արագաչափ սարքեր և այլն) օգտագործմամբ իրականացնում է հանցագործությունների և վարչական իրավախախտումների հայտնաբերում, դրանց ամրագրում.

3) տեխնիկական միջոցների (տեսախցիկներ, ֆոտոխցիկներ, արագաչափ սարքեր և այլն) օգտագործմամբ իրականացնում է ճանապարհային երթևեկության անվտանգության ապահովման բնագավառի վարչական իրավախախտումների գործերով վարույթի նախապատրաստական աշխատանքներ, այդ թվում՝ Հայաստանի Հանրապետության ներքին գործերի նախարարության ուստիկանության համապատասխան ստորաբաժանմանը Էլեկտրոնային եղանակով վարչական տույժ նշանակելու մասին որոշումների նախագծերի տրամադրում.

4) իրականացնում է իր կողմից հավաքված օրենքով չարգելված տեղեկության (տեսանյութեր, լուսանկարներ և այլն) տրամադրումը՝ օրենսդրությամբ սահմանված կարգով և պայմաններով.

5) իրականացնում է Հայաստանի Հանրապետության օրենսդրությամբ սահմանված այլ լիազորություններ:

#### **IV. ԿԱԶՄԱԿԵՐՊՈՒԹՅԱՆ ԿԱՌԱՎԱՐՈՒՄԸ, ԿԱՌԱՎԱՐՄԱՆ ՄԱՐՄԻՆՆԵՐԸ, ԴՐԱՆՑ ԿԱԶՄԸ ԵՎ ԼԻԱԶՈՐՈՒԹՅՈՒՆՆԵՐԸ, ԱՇԽԱՏԱՆՔՆԵՐԻ ԿԱԶՄԱԿԵՐՊՈՒՄԸ**

22. Կազմակերպության կառավարումն իրականացնում են Հիմնադիրը, Հայաստանի Հանրապետության ներքին գործերի նախարարը և տնօրենը:

23. Կազմակերպության Հիմնադիրն ունի Կազմակերպության գործունեությանը և կառավարմանը վերաբերող ցանկացած հարց վերջնական լուծելու իրավունք, բացառությամբ «Պետական ոչ առևտրային կազմակերպությունների մասին» օրենքով նախատեսված դեպքերի:

24. Կազմակերպության Հիմնադիրի բացառիկ լիազորություններն են՝

1) Կազմակերպության հիմնադրումը.

2) Կազմակերպության գործունեության առարկայի և նպատակների, այդ թվում՝ նրա կողմից իրականացվող ձեռնարկատիրական գործունեության տեսակների սահմանումը.

3) պետական կազմակերպության վերակազմակերպումը և լուծարումը.

4) օրենքով և սույն կանոնադրությամբ նախատեսված այլ հարցերի լուծումը:

25. Հայաստանի Հանրապետության ներքին գործերի նախարարությունն իրականացնում է Կազմակերպության ընդհանուր կառավարումը, ապահովում է նրա բնականոն գործունեությունը և օրենսդրությամբ սահմանված կարգով պատասխանատվություն է կրում դրանց չկատարման կամ ոչ պատշաճ կատարման համար:

26. Հայաստանի Հանրապետության ներքին գործերի նախարարությունը՝

1) սույն կանոնադրությամբ սահմանված կարգով իրականացնում է Կազմակերպության կառավարման մարմինների ձևավորումը և նրանց լիազորությունների վաղաժամկետ դադարեցումը.

2) իրականացնում է Կազմակերպության գործունեության վերահսկողությունը.

3) կասեցնում կամ ուժը կորցրած է ճանաչում Կազմակերպության տնօրենի՝ Հայաստանի Հանրապետության օրենսդրության պահանջներին հակասող հրամանները և հանձնարարկանները.

4) Կազմակերպության կանոնադրության հաստատումը և դրանում փոփոխություններ կատարելը.

5) լսում է Կազմակերպության գործունեության մասին հաշվետվությունները, քննում է դրա գործունեության վերստուգման արդյունքները.

6) վերահսկողություն է իրականացնում Կազմակերպության ամրացված պետական սեփականության օգտագործման և պահպանության նկատմամբ.

7) վերահսկողություն է իրականացնում Կազմակերպության սեփականության պահպանության նկատմամբ, իսկ օրենքով, Հիմնադրի որոշմամբ նախատեսված կամ սույն կանոնադրությամբ սահմանված դեպքերում համաձայնություն է տալիս նրա գույքի օտարման կամ վարձակալության հանձնման համար.

8) համաձայնություն է տալիս Կազմակերպության ամրացված գույքը պետության անունից հանձնելու վարձակալության.

9) հաստատում է Կազմակերպության աշխատողների հաստիքացուցակը, եկամուտների և ծախսերի տարեկան նախահաշիվը, դրանում կատարվող փոփոխությունները, լրացումները.

10) իրականացնում է Կազմակերպության լուծարման հանձնաժողովի նշանակումը և լուծարման հաշվեկշռի հաստատումը.

11) ստեղծում է Կազմակերպության մասնաճյուղեր և (կամ) ներկայացուցչություններ.

12) հաստատում է Կազմակերպությանը սեփականության իրավունքով հանձնվող և (կամ) ամրացվող՝ պետությանը պատկանող գույքի կազմը և արժեքը.

13) սահմանում է Կազմակերպության կառավարման համակարգը.

14) համաձայնություն է տալիս Կազմակերպության կողմից կնքվող «Պետական ոչ առևտրային կազմակերպությունների մասին» օրենքով սահմանված խոշոր գործարքների կնքմանը.

15) իրականացնում է «Պետական ոչ առևտրային կազմակերպությունների մասին» օրենքով, հիմնադրի որոշումներով և սույն կանոնադրությամբ նախատեսված այլ գործառույթներ:

27. Կազմակերպության ընթացիկ գործունեության ղեկավարումն իրականացնում է գործադիր մարմինը՝ Կազմակերպության տնօրենը (այսուհետև՝ Տնօրեն), որին պաշտոնի նշանակում և պաշտոնից ազատում է Հայաստանի Հանրապետության ներքին գործերի նախարարը: Տնօրենը պաշտոնում նշանակվում է մրցույթով:

28. Տնօրենն օրենքով, Հիմնադրի որոշումներով, Հայաստանի Հանրապետության ներքին գործերի նախարարի հրամաններով ու սույն կանոնադրությամբ իրեն վերապահված լիազորությունների սահմաններում ղեկավարում է Կազմակերպության գործունեությունը և կրում է պատասխանատվություն օրենքների, իրավական այլ ակտերի, Հիմնադրի որոշումների կամ Հայաստանի Հանրապետության ներքին գործերի նախարարի հրամանների, սույն կանոնադրության և կնքված պայմանագրերի պահանջները չկատարելու կամ ոչ պատշաճ կատարելու համար:

29. Տնօրենի հետ կնքվում է պայմանագիր, որը Հիմնադրի անունից ստորագրում է Հայաստանի Հանրապետության ներքին գործերի նախարարը: Պայմանագրում սահմանվում են նրա իրավունքները, պարտականությունները, պատասխանատվությունը

և փոխհարաբերությունները Հայաստանի Հանրապետության ներքին գործերի նախարարության, Կազմակերպության կառավարման այլ մարմինների հետ, նրա աշխատանքի վարձատրման պայմանները, պայմանագրի դադարման՝ «Պետական ոչ առևտրային կազմակերպությունների մասին» օրենքով նախատեսված բոլոր հիմքերը և այլ դրույթներ, որոնք պայմանավորվող կողմերը կգտնեն անհրաժեշտ: Պայմանագրի դրույթները պետք է համապատասխանեն Հայաստանի Հանրապետության աշխատանքային օրենսդրության պահանջներին, բացառությամբ օրենքով նախատեսված դեպքերի:

30. Տնօրենի պաշտոնում նշանակված անձը չի կարող զբաղեցնել այլ պաշտոն կամ կատարել այլ վճարովի աշխատանք, բացի գիտական, կրթական և ստեղծագործական աշխատանքից:

31. Տնօրենը լրիվ գույքային պատասխանատվություն է կրում իր մեղքով Կազմակերպությանը և (կամ) պետությանը պատճառված վնասի համար:

32. Տնօրենի լիազորությունների դադարեցումը հիմք չէ պատճառած վնասը հատուցելու պարտականությունները չկատարելու համար:

33. Տնօրենը պարտավոր է չկատարել Հիմնադրի, Հայաստանի Հանրապետության ներքին գործերի նախարարության՝ Հայաստանի Հանրապետության օրենսդրությանը հակասող որոշումները, կարգադրությունները, իրամանները, իրահանգները և դրանց չկատարման համար չի կարող ենթարկվել պատասխանատվության:

34. Տնօրենը կարող է ունենալ տեղակալ(ներ), որոնց Տնօրենի միջնորդությամբ պաշտոնի նշանակում և պաշտոնից ազատում է Հայաստանի Հանրապետության ներքին գործերի նախարարը:

35. Տնօրենի բացակայության (արձակուրդ, գործուղում և այլն) դեպքում Հայաստանի Հանրապետության ներքին գործերի նախարարի իրամանի համաձայն այդ լիազորություններն իրականացնում է Կազմակերպության այլ աշխատակից (որպես կանոն՝ տեղակալը կամ տեղակալներից մեկը):

36. Տնօրենի լիազորությունները դադարում են «Պետական ոչ առևտրային կազմակերպությունների մասին» օրենքով նախատեսված դեպքերում և կարգով:

37. Տնօրենը ղեկավարում է Կազմակերպության ընթացիկ գործունեությունը և դրա հետ կապված՝

1) Հայաստանի Հանրապետության օրենսդրությամբ սահմանված կարգով՝ Հիմնադրի որոշումներով և սույն կանոնադրությամբ իրեն վերապահված լիազորությունների սահմաններում տնօրինում է Կազմակերպության գույքը (այդ թվում՝ ֆինանսական միջոցները).

2) Ներկայացնում է Կազմակերպությունն այլ մարմինների և կազմակերպությունների հետ փոխհարաբերություններում.

3) առանց լիազորագրի հանդես է գալիս (գործում է) Կազմակերպության անունից, ներկայացնում Կազմակերպության շահերը, տալիս է Կազմակերպության անունից հանդես գալու լիազորագրեր (այդ թվում՝ նաև վերալիազորման իրավունքով).

4) Հայաստանի Հանրապետության օրենսդրությամբ սահմանված կարգով Կազմակերպության անունից կնքում է գործարքներ.

5) պետական ֆինանսների կառավարման բնագավառում Հայաստանի Հանրապետության կառավարության կողմից լիազորված պետական կառավարման մարմնի գանձապետարանում բացում է Կազմակերպության հաշիվները.

6) առաջարկություններ է ներկայացնում Կազմակերպության աշխատողների հաստիքացուցակի, եկամուտների և ծախսերի տարեկան նախահաշվի, դրանում կատարվող փոփոխությունների և լրացումների վերաբերյալ.

7) օրենքով և սույն կանոնադրությամբ իրեն վերապահված լիազորությունների սահմաններում արձակում է հրամաններ, տալիս պարտադիր կատարման ենթակա հանձնարարականներ և վերահսկում դրանց կատարումը.

8) Հայաստանի Հանրապետության օրենսդրությամբ սահմանված կարգով և հիմքերի առկայության դեպքում աշխատանքի է ընդունում (նշանակում) և աշխատանքից ազատում է Կազմակերպության աշխատողներին, նրանց նկատմամբ կիրառում է խրախուսանքի և կարգապահական պատասխանատվության միջոցներ, արձակում է աշխատանքային իրավահարաբերություններից բխող հրամաններ.

9) սահմանում է Կազմակերպության կառուցվածքը և կառուցվածքային ստորաբաժանումների իրավասությունները.

- 10) կատարում է աշխատանքի բաշխում իր տեղակալների միջև.
- 11) հաստատում է Կազմակերպության մասնաճյուղերի և ներկայացուցչությունների կանոնադրությունները, նշանակում դրանց ղեկավարներին և նրանց տալիս համապատասխան լիազորագրեր.
- 12) իրականացնում է օրենսդրությամբ չհակասող և Կազմակերպության կառավարման այլ մարմիններին չվերապահված այլ լիազորություններ:

**Վ. ԿԱԶՄԱԿԵՐՊՈՒԹՅԱՆ ՄԻՋՈՑՆԵՐԸ, ԿԱԶՄԱԿԵՐՊՈՒԹՅԱՆ ՍԵՓԱԿԱՆՈՒԹՅԱՆ  
ՁԵՎԱՎՈՐՄԱՆ, ԻՆՉՊԵՍ ՆԱԵՎ ԿԱԶՄԱԿԵՐՊՈՒԹՅԱՆ ՍԵՓԱԿԱՆՈՒԹՅԱՆ ՈՒ  
ԿԱԶՄԱԿԵՐՊՈՒԹՅԱՆ ԱՄՐԱՑՎԱԾ ԳՈՒՅՔԻ ՏՆՈՐԻՆՄԱՆ, ՏԻՐԱՊԵՏՄԱՆ ԵՎ  
ՕԳՏԱԳՈՐԾՄԱՆ ԿԱՐԳԸ, ԿԱԶՄԱԿԵՐՊՈՒԹՅԱՆ ՖԻՆԱՆՍԱԿԱՆ  
ԳՈՐԾՈՒՆԵՈՒԹՅՈՒՆԸ**

38. Կազմակերպության սեփականությունը ծևավորվում է Հիմնադրի կողմից սեփականության իրավունքով Կազմակերպությանը հանձնվող կամ Կազմակերպության գործունեության ընթացքում ծեղք բերված գույքից, ինչպես նաև՝ Կազմակերպությանն ամրացված գույքի օգտագործման արդյունքում ստացված եկամուտներից:

39. Կազմակերպությունն իրավունք ունի օրենքին, Հիմնադրի որոշումներին և (կամ) սույն կանոնադրությանը համապատասխան՝ իր հայեցողությամբ տիրապետելու, տնօրինելու և օգտագործելու սեփականության իրավունքով իրեն պատկանող գույքը:

40. Հիմնադիրը Կազմակերպությանը սեփականության իրավունքով պատկանող գույքի նկատմամբ չունի իրավունքներ՝ բացառությամբ Կազմակերպության լուծարումից հետո մնացած գույքի:

41. Կազմակերպության սեփականության պահպանումն իրականացնում է Կազմակերպությունը:

42. Կազմակերպության սեփականության վրա բռնագանձում կարող է տարածվել՝ միայն դատական կարգով:

43. Հիմնադիրն իրավունք ունի հետ վերցնելու իր կողմից Կազմակերպությանն ամրացված գույքը: Կազմակերպությունն իրավունք չունի իրեն ամրացված գույքը կամ

դրա նկատմամբ իր իրավունքն օտարելու, գրավ դնելու, անհատույց օգտագործման հանձնելու:

44. Վարձակալության չհանձնված ամրացված գույքի օգտագործման արդյունքում Կազմակերպության ստացած եկամուտները Կազմակերպության սեփականությունն են: Կազմակերպության ամրացված գույքի օգտագործման ընթացքում առաջացած անբաժանելի բարելավումները Հիմնադրի սեփականությունն են: Կազմակերպությունն իրավունք ունի իրեն ամրացված գույքը պետության անունից հանձնելու վարձակալության, եթե դա արգելված չէ Հիմնադրի որոշմամբ և ստացել է Հայաստանի Հանրապետության ներքին գործերի նախարարության համաձայնությունը: Վարձակալության հանձնված գույքի վարձակալական վճարներից ստացված դրամական միջոցներն ամրողությամբ ուղղվում են պետական բյուջե:

45. Հիմնադրի կողմից գույքը Կազմակերպության ամրացնելը չի կարող հիմք հանդիսանալ այդ գույքի նկատմամբ Հիմնադրի կամ երրորդ անձի իրավունքները դադարեցնելու կամ փոփոխելու համար:

46. Հիմնադրի կողմից Կազմակերպության ամրացված անշարժ գույքի կամ պետական պարտադիր գրանցման ենթակա գույքի օգտագործման նկատմամբ Կազմակերպության իրավունքը ծագում է դրանց նկատմամբ իրավունքների պետական գրանցման պահից:

47. Կազմակերպության ֆինանսական միջոցները գոյանում են Հայաստանի Հանրապետության պետական բյուջեից և Հայաստանի Հանրապետության օրենսդրությամբ չարգելված լրացուցիչ աղբյուրներից, որոնք օգտագործվում են սույն կանոնադրությամբ նախատեսված նպատակների իրականացման համար:

48. Կազմակերպության գործունեության ընթացքում առաջացած շահույթն օգտագործվում է Կազմակերպության աշխատողների խրախուսման ու դրամական օգնության տրամադրման, կարողությունների զարգացման և Կազմակերպության այլ կարիքները հոգալու նպատակով:

49. Կազմակերպության ֆինանսավորման լրացուցիչ աղբյուրներն են.

1) բարեգործական, նպատակային ներդրումները, օրենսդրությամբ սահմանված կարգով տրամադրվող տեղեկության համար գանձվող գումարը, Հայաստանի

Հանրապետության և օտարերկոյա կազմակերպությունների ու քաղաքացիների նվիրատվությունները.

2) Կազմակերպության կողմից հավաքված օրենքով չարգելված տեղեկատվության (տեսանյութեր, լուսանկարներ և այլն՝ օրենսդրությամբ սահմանված կարգով վճարովի տրամադրումից ստացված միջոցները.

3) Հայաստանի Հանրապետության օրենսդրությամբ չարգելված և Կազմակերպության կանոնադրական խնդիրներին չհակասող գործունեությունից ստացված միջոցները:

50. Կազմակերպության տարեկան ֆինանսական հաշվետվությունները ենթակա են առողջական՝ Հայաստանի Հանրապետության ներքին գործերի նախարարության կողմից ընտրված առողջական կազմակերպության կողմից:

## VI. ԿԱԶՄԱԿԵՐՊՈՒԹՅԱՆ ՎԵՐԱԿԱԶՄԱԿԵՐՊՈՒՄԸ ԵՎ ԼՈՒՇԱՐՈՒՄԸ

51. Կազմակերպությունը կարող է վերակազմակերպվել Հիմնադրի որոշմամբ՝ Հայաստանի Հանրապետության քաղաքացիական օրենսգրքով սահմանված կարգով:

52. Կազմակերպությունը դատական կարգով կարող է վերակազմակերպվել՝ օրենքով սահմանված դեպքերում և կարգով:

53. Կազմակերպության լուծարմամբ նրա գործունեությունը դադարում է՝ առանց իրավունքները և պարտականությունները իրավահաջորդության կարգով այլ անձանց անցնելու:

54. Կազմակերպությունը կարող է լուծարվել Հիմնադրի որոշմամբ՝ Հայաստանի Հանրապետության քաղաքացիական օրենսգրքով սահմանված կարգով:

55. Կազմակերպությունը կարող է լուծարվել նաև սնանկության հետևանքով:

56. Կազմակերպությունը դատական կարգով կարող է լուծարվել միայն օրենքով նախատեսված դեպքերում և կարգով:

57. Կազմակերպության լուծարման դեպքում Կազմակերպության պարտատերերի պահանջների բավարարումից հետո դրամական միջոցները փոխանցվում են Հայաստանի Հանրապետության պետական բյուջե, իսկ այլ գույքը սեփականության

իրավունքով փոխանցվում է Հայաստանի Հանրապետությանը՝ ի դեմս Կառավարության, բացառությամբ օրենքով սահմանված դեպքերի: